

## ANEXO I

### PROPOSTAS DA ASOCIACIÓN VÉSPERA DE NADA POR UNHA GALIZA SEN PETRÓLEO ASUMIDAS POR ESQUERDA UNIDA – OS VERDES PARA PREPARAR A CIDADE FRONTE O TEITO DO PETRÓLEO

#### Economía

- Incorporar unha avaliación de sustentabilidade e resiliencia fronte ao Teito ao proceso de selección de empresas de nova creación asesoradas polo concello.
- Dar charlas a empresas de nova creación e ás xa existentes sobre o Teito e as súas consecuencias, enfocándoas sobre todo ás consecuencias para os negocios e a economía local. Incidir no concepto de resiliencia.
- Promover a creación de empresas sustentables e resilientes mediante un programa específico. Apoiar iniciativas empresariais non dependentes do petróleo.
- Fomentar a reconversión de empresas dependentes directa ou indirectamente do petróleo. Elaborar unha guía para esa reconversión, subvencionar auditorías de dependencia, ofrecer asesoramento para o proceso de adaptación, etc.
- Fomentar a reorientación das empresas produtiva cara o consumo local.
- Apoiar economicamente proxectos empresariais que fornezan produtos substitutivos aos importados.
- Favorecer a creación de empresas de servizos que non impliquen elevados consumos materiais e de enerxía.
- Crear un banco de tempo municipal de amplo alcance para mobilizar a parados, estudantes, xubilados, etc.
- Crear bancos municipais de alimentos e produtos de primeira necesidade. Os alimentos deberían vir preferentemente dos hortos urbanos e de produtores de proximidade.
- Crear bancos de terra en zonas urbanas e perirurbanas para poñer en contacto a propietarios de fincas potencialmente produtivas e a urbanitas interesados na produción hortícola.
- Revisar política de compras municipais priorizando o abastecemento en mercados e produtores locais. Apoio ás redes locais de distribución de alimentos, e ás cooperativas de consumo ecolóxico e local.
- Reforzar o comercio de proximidade, sobre todo o alimentar e de produtos de primeira necesidade. Contribuír ao establecemento de redes locais de subministro.
- Definir un área ao redor da Coruña de especial promoción agrícola-gandeira ecolóxica, e de cultivo e recolección de moluscos e de pesca artesanal.
- Revisar todos os planos de investimento público municipal baixo un escenario permanente de petróleo caro.
- Estudar a creación dunha empresa municipal de electricidade.
- Fomentar economicamente e burocraticamente a xeración eléctrica para autoconsumo, tanto de familias como de empresas e outras entidades.
- En todas aquelas medidas en las que se traballe con fontes locais e resilientes, cuantificar o aforro para o municipio (e para os veciños) que implica usaren esas fontes, como medio para demostrar que as medidas melloran de feito a economía do municipio nesta época de dificultades.
- Fomentar a integración dos parados, sobre todo os de longa duración, en novos oficios e servizos “para a resiliencia”. Ofrecer incentivos para a recuperación de oficios que impliquen reparación, mantemento, e reciclaxe local de materiais usados. Integrar os puntos limpos da cidade con estes servizos.

## Urbanismo

- Revisar a normativa urbanística para en clave de Teito:
- Desincentivar a construción de espazos de lecer, consumo ou servizos na periferia.
- Facer posible para todos os coruñeses/as residir traballar, comprar, pasear, ter espazos de lecer no mesmo barrio ou nun contiguo. Repensar a estrutura da cidade para volver a un modelo de usos mesturados, diversos e densos e a vida en proximidade: residencia, escola, traballo, lecer, comercio e transporte cara ao exterior a menos de 10 minutos a pe.
- Fomentar a instalación de paneis solares nos edificios, miniturbinas eólicas e outros sistemas de autoabastecemento enerxético, subvencionando a súa instalación ou achegando créditos. Procurar que se faga por medio de empresas locais que traballen neste sector.
- Promover o illamento das vivendas, o aproveitamento solar pasivo e penalizar o seu consumo enerxético.
- Aplicar reformas bioclimáticas e de eficiencia enerxética aos edificios municipais.
- Promover a residencia no centro das cidades: aluguer de casas baleiras, aluguer de cuartos.
- Aumentar o número de espazos verdes e a súa extensión.
- Remodelar os espazos verdes existentes non históricos cara aproveitamentos en forma de hortos urbanos.
- Recuperar hortos até hai pouco (ou aínda) produtivos (por exemplo: San Pedro de Visma, Elviña, A Zapateira...).
- Fomentar a agricultura urbana ecolóxica mediante campañas, cursos, incentivos diversos, cesión de espazos e apeiros, subvención de sementes, etc.
- Aproveitar fincas non utilizadas (públicas ou privadas) para a creación de hortas urbanas comunitarias.
- Implantar sistemas de tratamento de residuos sólidos e de augas residuais sostibles e autosuficientes, reconvertendo as plantas municipais. Aproveitar o residuo seco obtido tras o tratamento de augas residuais para a agricultura. Compostar e reciclar ao máximo, establecendo plantas de procesamento local dedicadas a esta función.

## Transporte

- Poñer en marcha medidas diversas para desincentivar o uso do transporte privado (coche).
- Penalizar o acceso en coche a áreas da cidade onde existe alternativa para acceder con transporte público. Priorizar o acceso a pé ou en bici.
- Crear ou ampliar estacionamentos anexos as estacións de autobuses e tren (aproveitando que están relativamente próximas podería estudarse crear un compartido por ambas as dúas), para promover que a xente saia/entre da cidade por eses medios.
- Limitar as zonas de aparcamento no centro, dando como alternativa o estacionamento nos arredores promovendo a comunicación mediante transporte público.
- Implantar tarifas diferenciadas de estacionamento, en función dos lugares de maior sobrecarga de tráfico de automóbiles.
- Crear unha rede de carrís bici ampla e útil que permita percorrer toda a cidade. Facilitar e promover o uso da bicicleta.
- Darlle en toda a cidade preferencia a bicis e autobuses fronte a outros vehículos. Sobre estes, preferencia aos peóns. Dar prioridade na planificación do uso do solo e dos sistemas de transporte, así como no seu financiamento, aos peóns e aos ciclistas.
- Aumentar o número e frecuencia do transporte público.
- Modificar o maior número posible de buses urbanos para funcionaren con aceite reciclado. Promover unha rede de recollida de aceite usado doméstico, nos negocios de restauración,

comedores de centros públicos e de traballo, industriais, etc. para reciclalo nunha planta local que abastecería estes buses.

- Abaratar as tarifas do transporte público para todos os cidadáns, facéndoo gratuíto ou case a colectivos máis desfavorecidos.
- Facer un estudo para avaliar a posible eficiencia enerxética dun sistema de microbuses baixo demanda complementario ás liñas permanentes. Estudar en cada liña e horario se é máis eficiente a substitución de buses por microbuses máis frecuentes.
- Incentivar un transporte de mercancías dentro da cidade que optimice percorridos para aforrar combustible (empregando p.ex. sistemas informatizados), con camións máis pequenos alimentados con aceite vexetal local na medida en que vaia estando este dispoñible, e mediante trens para a saída/entrada de mercancías fóra da cidade.

## **Fiscalidade**

- Revisar todos os tributos municipais até onde permita a lexislación para penalizar aquelas actividades que obstaculicen a transición enerxética, e rebaixar ou anular as taxas a aquelas que a favorezan.
- Aumentar de maneira importante as taxas de vehículos a motor para os coches, con excepcións debidamente xustificadas cando non exista alternativa de transporte municipal.
- Reducir a fiscalidade aos comercios de proximidade e pequenas tendas, sobre todo de alimentación e produtos necesarios.
- Penalizar a publicidade de marcas e empresas non locais, dando prioridade ás locais. Fomento dun cambio cultural con respecto ao consumo.
- Favorecer fiscalmente as empresas que faciliten o teletraballo para evitar o desprazamento dos seus traballadores de fóra da cidade.
- Favorecer fiscalmente o aluguer e compartición de equipamento como alternativa á venda, e para favorecer a ampliación da vida útil dos produtos e maquinaria.

## **Difusión e concienciación cidadá. Outros**

- Colaborar activamente para que se realicen charlas, xornadas, actividades formativas, actividades escolares, proxeccións de documentais... vencelladas con:
  - O Teito do petróleo.
  - O aforro enerxético.
  - A resiliencia comunitaria.
  - Habilidades útiles nun mundo sen petróleo.
  - Agricultura natural/ecolóxica/tradicional.
  - Permacultura.
  - Decrecemento.
  - Autoprodución e conservación de alimentos.
  - Compostaxe caseira.
  - Fomentar a cultura de que só é preciso poseer aquilo que é verdadeiramente persoal, e que o resto é máis eficiente compartilo (bens comunitarios) mediante aluguer e outros sistemas.
- Crear un centro municipal de referencia permanente sobre estas cuestións, a modo de granxa-escola urbana, centro de experimentación e difusión, centro de demostración de técnicas sustentables, etc. Preferiblemente ubicado nalgún espazo xa existente e infrautilizado ou utilizado para outras cuestións menos prioritarias. Podería crearse unha

especie de Axencia Municipal para a Transición Enerxética.

- Facer reunións urxentes con todo tipo de asociacións, empresas, centros de ensino, medios de comunicación local, etc. explicando claramente os posibles escenarios aos que se enfrontarán. Facer unha moción pública sobre o asunto, marco para todas as actuacións incluídas neste documento e outras que houber.
- Unirse á rede de Cidades en Transición (Transition Towns).
- Declarar A Coruña zona libre de tranxénicos: prohibición dos tranxénicos para conservación da biodiversidade e a independencia de empresas e insumos de fóra.
- Adoptar o Oil Depletion Protocol.
- Instalar paneis concienciadores en lugares estratéxicos da cidade con lemas sobre o Teito do petróleo e a prol do aforro enerxético. Instalar nun lugar de moito paso de vehículos un panel LED alimentado por enerxía solar que amose o prezo do barril de petróleo de maneira actualizada e gráficas da súa evolución en diferentes períodos (1 mes, 6 meses, 1 ano, 5 anos).



esquerda unida

